



南湖集卷第七

五言絕句

桂隱記詠

并序

淳熙丁未秋僕自臨安通守以疾白祠既歸桂  
隱遂捐故廬為東寺指新舍為西宅南湖以經  
其前北園以奠其後因板立堂宇橋舟諸名各  
賦小詩一篇緣題述興不拘一律區區樂聞之  
心聊用以自見云

南湖集卷七

一知不足齋叢書

桂隱

未說花開好圓圓葉自奇明朝非願避愛樹恐相離

東寺

數舉管巢債纔成作佛廬隨堂展單鉢均是道人

北園

地勢本居中因湖別南北三十六計中吾今計為得

山堂

誰無數椽屋蓋成多是俗如此亂山中非關松石竹

高寒堂

司馬師德  
而德崇  
秦川  
張

知不足齋叢書  
水

下瞰東鄰寺鐘聲殷兩山貪吟嘗忍冷薄夜不知還  
安閒堂

不作風波民已鑄赫胥印同好豈無人望崖行少進  
翠樾堂

寶書光騰處喬木更碧巒權衡主人福壓盡世閒官  
清夏堂

池  
夜月三杯色晴荷十畝香若教興世念不甚覺風涼

尙友軒

南湖集卷七

相別音書斷相逢語話稀平生膠漆處正要世情疑

煨芋軒

煖坐無寒涕竄油雪讓明地爐燄火熟飽聽亂松聲

殊勝軒

杜老詩中佛能言竹有香欲知殊勝處說著早清涼

傳經軒

香炷對清晨微言得問津所師非傳癖手澤仰如新

讀易軒

大易緣何有難逃此問中不從橫畫會爻象總能通

詠老軒

因看上下經便無煩惱事慈儉不爲先躬行五箇字

真如軒

窗外植巨竹

翠竹是真如目前須薦取恁麼做禪和被人輓似鼓

易容軒

世界無非我心懷卽是天玉堂并草舍何地不安然

泰定軒

燭處天光發何嘗離定中間云誰散亂又道主人公

玩芝軒

南湖集卷七

三知不足齋叢書

陰洞親尋徧燈驚蝙蝠飛堅明敲紫玉一似采時肥

石林軒

濯濯何年有先公手種成至今指痒虎來認讀書聲

俯雲軒

化國舒長日林隈分外知年年庭陰匝數徧鵲尋見

書葉軒

拋絮輕於柳棲禽不待凰題詩非勝紙雷詠託枝涼

靜賞亭

阜隸百輕肥金朱彈丸篋君方踞胡牀風掀細冊葉

擁山亭

揜抱復回環亭居紫翠閒思量天下物誰更好如山

撫鶴亭

立縞芳桂陰置汝固已當他年莫姓丁止厠子姪行

俯鏡亭

喚作大圓鏡波文從此生何妨雲影雜榜樣自天成

依綠亭

月出煙暝時水調誰家唱短櫂欲相尋先經此亭上

雲外亭

南湖集卷七

四知不足齋叢書

芒屨方疑溼天晴逕又乾由來雲在下木杪是欄干

沙際亭

小檝輕揮去無人伴此翁午煙青一點魚虎出深叢

鱸鄉亭

溪叟挈笊簪曾來候此亭未知余不殺剛要著魚經

摘霞亭

霞卽杏也

一片吹來錦人言是杏花倚欄堪把玩勝似日邊霞

瓊李亭

莫羨海棠色聽言著子時驪珠千萬顆撒向嫩桑枝

粲金亭

枇杷

黃金子誰

似樹裝珍禽來往慣風落不驚忙

滿霜亭

霜橋

疑駕洞庭飄

看繞山花時芳氣潔伯仲素馨開

聽鶯亭

不以他園去能來共竹林故鄉知我念特地奏秦音

松橋

欲向松間去梅西竹塢穿莫言吟興在風雪灑橋邊

竹橋

南湖集卷七

五下不足

新篁故蒙叢惡草剛蒼翳剛雅似少恩枝集玉無踪

柳橋

初因橋種柳卻用柳名橋桂隱從茲入春風莫浪招

平橋

橋向平邊度風從闊處來冷然旬五日無去亦無回

興遠橋

窈窕或崎嶇不是邯鄲步因來此凭欄又送孤鴻去

歸喜橋

半歲吏塵役天書教放歸思量難報稱安穩飯和衣

靜樂廬

城市非無地如何此結廬一家耽靜樂兩個水邊居

心足寮

聞道華胥國依稀似醉鄉近來參得透睡穩不因牀

茂光臺

風日清美時月露澄爽際能來此徜徉掃除聞見翳

安樂泉

潛通大壑水一杯千慮散只因都放下如熱病得汗

鵲泉

南湖集卷七

六知不足齋叢書

鵲飲樹底泉人立石邊路相親不相疑所性平等故

樵徑

路入前山處蒼苔裹石稜不逢負薪叟時見隔林僧

霞川

澗兩岸  
種桃

方舟臥看花丹霞二三里窮眼謝元暉休言餘散綺

穢蘋舟

玉立蜻蜓小香欺漫港秋百年清絕意孤權抵封侯

戲答客問

桂隱芙蓉盛柴門日日開若無詩與酒不請看花來

題松身

不見蟄根時唯喜蒼陰覆借汝葉閒聲當我風信句  
前後植木犀樓上有月臺盡見諸山

盛世適親逢樓臺得地雄無形兼有象俱在大和中

登春陌

花柳豔通津幽居日日春門前往來者同是華封人

香王花

鬢髯是茶蘼金沙著白衣香於佛見笑大似野薔薇

題水墨畫水仙木犀

南湖集卷七

七知不足齋叢書

翠襲擎金箴香風動寶車几閒莫輕覷故故薄雲遮  
昔年風露鄉裙破鬱金黃別來參祖意壞色染衣裳

題瑞香花扇

夢裏誰曾見香篝紫繡蒙枝閒兩飛蝶我其漆園翁

汎星槎

鼻祖尋河源織女喜停機我不願上天湖中亦忘歸

題平甫弟梁溪莊園

兩字雖差遠花繁好作名假饒千萬偈難狀爾多情

茶谷閒步



自攜折腳鐺煮芽仍帶葉客至請渠嘗俗塵消曠劫

澗西閒汎

曲曲通航小蘭橈手自移映叢憐白鷺特地過灣遲

同王夢得夜坐

何處起香雲清談我與君雨衣臨水坐魚躍隔窗聞

晚興

江漢舊名侯飄蕭髮未秋時榮那似此天地入詩游

道經寒蘆港

蘆深可藏人下有扁舟泊正似洞庭風日暮孤帆落

南湖集卷七

戲成白髮二首

八知不足齋叢書

怕見人言老梳頭夜二更誰知燈燭夜漏逗愈分明  
朝朝摘白髮新生亦非黑縱使白不先禿翁還諱得

秋夜

人間睡正濃月到脩髯底三伏凜如秋蒙頭思衲被

約齋

博學非能事詳言道轉乖只因省氣力處處是吾齋

贈道士

虎向深淵繞龍歸猛火蟠崑崙飛日月奚但鼎中安

過鴛脰湖

曉霧濛鴻合山藏岸絕痕浩波吞日去金昂玉乾坤

珍林

李棗栗銀杏橙梨柿木瓜楊梅與金橘不讓滿園花

并閭儲

稍叢暮氣升還爲露珠滴暗響出林隈鏘鏘小金石

藥溪

野藥隨宜種芍苗嚼最香痕痕休厭數橙樹逐溪長

南湖

南湖集卷七

九知不足

胸中詩本慳天教專一壑萬景休全來老夫重然諾

六言絕句

小疾六言

風雨溪山數宿歸來盡上聲有佳晴小疾何妨隱几隔窗

嬌聽鶯聲

淨相蘭若僧師雅持塑佛疏緣化贈山偈二首

居士賣屋爲宅

舊嘗鬻佛舍成桂隱誅茆之計

蓋成舍與瞿曇尙自無

錢結裏何能轉施南山

一語雅師聽取插草已自完成況是三閒殿了如何卻

欠金身

七言絕句

丁未立春

今歲春逢底處回，非關緹室動葭灰。  
幽人昨夜池邊見，已見新春草際來。

歲旦立春

天心歷數本相同，何事偏窺造化功。  
蒼欲承乾健力，歲端春肇一時中。

授受須知道，一同機緘默運仰。  
神功重輪赫日當天

南湖集卷七

予知不足齋

萬國陽和淑氣中

贊美平時萬口同，聳觀造化協天功。  
聖朝家法皆仁德，寬大應符帝詔中。

從此車書看混洞，王春不見四時功。  
八于豈但莊春比，宸極光符萬歲中。

寶翰鍾王妙，與同虎龍騰躍更新功。  
詩成秦觀如佳兆，適契青宮得意中。

結宇城隅野老同，只將歌詠紀元功。  
枯荻亦喜春回早，爲在條風振拂中。

春風

春風日日過東牆  
睡起人閒蝶自忙  
吹盡玫瑰能底惜  
只緣銷去一年香

淳熙己酉二月二日皇帝登寶位  
茲獲廁廷紳輒

成驩喜口號十首

曉色葱蘢麗建章  
今辰天地不尋常  
中宵若沒陰雲蔽  
應見前星日樣光

只似閒時朝殿來  
華駒徐步轉東街  
銅門已見飛騰象  
先下渾銀兩字牌

南湖集卷七

十一知不足齋叢書

深嚴黼座瑞光中  
髣髴遙瞻穆穆容  
特衣赭袍緣底事  
是日壽皇吉服先就座御天嗣聖欲乘龍

宣召班排過隔廊  
聳聞神器授儲皇  
只將揖遜爲家法  
我宋真宜萬代昌

百僚重入賀新君  
億載從今仰大昕  
文德豈惟循舜道  
武功行見放堯勳

聰哲從來簡帝心  
萬方臣子合看臨  
東堂議事猶經歲  
仰體慈皇屬意深

和風淑氣夾鍾初  
壽域重開際八區  
不戰自令邊徼服

喜看風動纓唐虞

聖父移居太母傍  
纓輿躬侍襲龍香  
乍從黃繖窺天表  
愈覺英姿似壽皇

黎庶曾何帝力知  
七旬三入又寧時  
春寒誰怕妨花柳  
一日東風萬國吹

小臣奕世沐深恩  
寓直蓬山三十春  
空抱一編無所用  
也叨拜望屬車塵

敬和東宮春日泛湖韻

空林飛翠逐絲輕  
瑞日重光特易晴  
歲歲都人望行樂

南湖集卷七

十三知不足齋叢書

六旂遙映百花明

敬和東宮早梅二首

月質風裳不受塵  
獨從天上巧呈新  
情知壓倒橫斜語  
青震專回萬木春

乾坤連夜玉爲塵  
照映冰容畫面新  
句妙莫疑難屬和  
眞成白雪對陽春

正月初四日聽新樂成絕句

鼙扑鈞天沸廣場  
渡江何翅紀鏗鏘  
頻年過密無悰緒  
樂叟閒來說太皇

浴音安樂紹熙初試聽咸韶可竝驅鼓武壘襄奚足數  
作成從此不愁無

鳴鳴日笛鷓鴣聲三疊鳴鼉舞裊輕燈市花村舊歡醉  
如今自厭邈無情

壬寅立春

經旬寒雨正霖霖纔轉東風便肯晴我自西疇心念熟  
不須學稼始歸耕

蓼醯蔬餅媚晨羞一飽寧知老到頭但聽兒童語聲喜  
黑頭青角看泥牛

南湖集卷七

十三知不足

堂中安奉高宗壽皇今上御書碑

路轉脩林特地殊九光霞氣翳仙廬蒼瑤不刻飛牙  
盡是三清玉帝書

集英殿立侍觀進士唱名六首

早放天扉一刻開更聲初斷雨聲催不因變化魚龍日  
焉有風雲轉首來

山繞彤城瑞霧凝雀班曉色漸分明龍門肅立章句列  
得著銀袍卻

君王策士幾臨軒好學隆儒古莫肩忠鯁盡將裨治道

不令鼂董譽空傳

青衫如草照春塘  
手傍龍墀捧敕黃  
功業便從今日去  
莫教人道口文章

先世親題鴈塔名  
宦途泊最關情難  
將此語逢人舉  
歸問寒齋舊短檠

科目從來本自寬  
才疎祇合作書藝巨  
雕蟲半世將何用  
可惜南湖負釣竿

讀韓非傳

諫鼓招言事  
蓂聞昧時自鬻更  
紛紛胸中著許隄  
防

湖集卷七

十四知不足齋

救危身

沈君

題挂劍圖

當年許與有誰知  
人忽上陵我獨悲  
遜國曩時猶易耳  
不應留劍使心欺

孟嘗君

狗盜雞鳴卻遇知  
可憐真士不逢時  
若作空言看  
鳳至鸞游孰致之

題趙祖文畫

破煙飛鷺不排行  
林外青山闕曉光  
村犬八人循岸走

成詩句省思量

送馬舍人赴建康軍幕

柳營謀客自楓宸去去尖風雁字勻莫把吟詩替精妙

新亭北望正愁人

陸巖州赴召喜成三詩

精舍欣聞已解驂風樞不易到江干一臧試讀幽人語

莫作時情賀禮看

榮辱心中總不疑因公環召獨成詩祇愁相見無多話

不似尋常夢裏時

南湖集卷七

知已從來自有天除書寫復待人傳青雲直上非逾分

一上聲名五十年

點視馬驛因成兩絕

別駕今晨檢驛亭道迎羸卒破銅鉦當年錯做書窗夢

蔽日旌旗出塞兵

萬里關山過險巖風廊聊此憩權奇天開徑上從茲始

想見長鳴振鬣時

武子得監左帑歸甬東待次

但湖初過月陰陰同望燈塵話夜深帆向西回人便遠



君來華近莫相尋

簡馬莊父

才名曾道相君知少忍黃梁數日炊堪笑南湖魚跡出  
相逢無話說多時

何氏書屋

誰云學宦不同源人鏡風流百世存想見當年臨案牘  
必無書限誤成根

憶夏墟山園

處築亭何日見霜時開徑去年行速排忙事成幽事

南湖集卷七

去知不足齋叢書

已覺貪山浪停聲

題郭水堅畫美人二首

從來憨態再難宜只把紅綃映雪肌自是一枝香杏了  
真嫌都不帶花枝

雲彈釵梁箇鬢鴟玉溫冰潔射鉛華欲知占斷人間韻  
便是春風最後花

湯陸禮部歸偶成二絕句

欲識清狂自在身關門湖上獨經春今朝正接黃梅雨  
卻出衝泥訪故人

有口寧論黠與癡相投無過只談詩要知此客非忙客  
欲去遲回尙讀碑

有懷新筠州楊祕監寄贈八絕兼桂隱茶

老子生來鐵面皮要渠嬉笑莫歌詩可憐百巧卿雲手  
拙直今年一奏詞

送公蕭寺意徘徊衆客登車不忍歸明日尙將詩寄我  
要令鶴骨轉難肥

聞道忽忽不住程如今應已到鄉城亦通朝路音書不  
朝外可能空舊情

南湖集卷七

十七知不足齋叢書

初時華節漕江東臺閣爭畱省閣中換得一州如斗大  
便無人挽信詩窮

少有羊會踏菜園更教清苦嚼筠根何如添得如椽筆  
就向西江一口吞

蟹寒蚓叫亦何心老賊奚堪領活深  
誠齋管戲子云非子詩中老賊也  
是交遊無遠別幾回因此慘離襟

諸子分鑣不待鞭愈憐肥犬滿人前何須妙處趨庭說  
心學乘閒盡底傳

茗芽封去且隨書林下多慚好物無鼻孔揜天猶得在

卻須持贈竹香爐

新詩

飛雪年年似故人相逢真味一番新  
別來莫問塵寰事鬢色幾如雪色勻

一酌橋亭卽便回雪黏桃樹學疎梅  
若教湖上鷗來了此日真須三百杯

回至泰陽村得家信二首

乾鵲飛鳴遠路隔長須迎望果持書  
雞豚本自無煩餉七日山行慣食蔬

南湖集卷七

七  
知不足齋叢書

桂隱聞知得雨來榴花應對竹光開  
歸家早見南湖月飲水猶勝舉酒杯

崇德道中

破艇爭划忽罷喧野童村女闖離邊  
令人說著蘇隄路花滿清明畫鼓船

羊蹄根老漫溪濶灰蝶閒飛興亦深  
春色醉人勝似酒覓詩天氣要微陰

疎籬遮竹竹難遮臥向溪流一桁斜  
綠底睡鳧應自愛起來搖翅各成花

枸橘花繁雪有香  
風吹成陣入船倉  
若教知我園中路  
不負芳菲驛舍傍

曹村觀落日

日欲西時暮靄凝  
何嘗落向遠山層  
分明萬丈青羅帶  
遮卻銷金罩裏燈

五家林四首

放鳴成羣趁暖暉  
村童遮護只狂飛  
多多益辦真難事  
半里撐船趕不歸

岸轉欣逢擊擊兒  
蹙成千步響琉璃  
沒波豈但尋魚喫

南湖集卷七

九知不足齋叢書

水不能濡只我知

草木敷榮怕入秋  
霜天卻自不窮愁  
彈丸都把黃金鑄  
亂挂枯疎凍樹頭

散亂飛鴻掠快晴  
噤噤那復苦寒聲  
定知已入新詩了  
纔過余舟便不鳴

車中聞人說谿澗如水晶色口占一絕

澗水流如活水晶  
道傍一語喚人醒  
山林未必渠能說  
說著山林便可聽

題禹廟二首

從來大智特閑閑手足胼胝意不艱千古夏王崇廟祀  
濬川功用只隨山

爲人心切屢忘家力量方知有等差莫信空山葬冠劍  
且吟古屋畫龍蛇

自錫山歸舟中三首

牆上天桃竹頂齊矮橋橫水屋橫坡主翁受用三竿日  
門外催租總不知

破驛遙臨放馬場兩鴟飛下更蒼涼東風莫起雕鞍興  
白髮欺人念故鄉

南湖集卷七

字知不足齋叢書

帆腰風便得歸程天未層雲暗又明淺色雞兒深色草  
知誰教汝喚詩成

宿上湖

落日烘蒙紫翠閒舟人蓬指洞庭山雲情水態明朝看  
且伴新蟾宿柳灣

望亭夜泊

新月何曾展畫幃便教星斗避寒輝思量自在天公最  
昨日峯頭有雪飛

石門小泊

近村非少茂林枝十二爲巢一樹棲應恐此閒難覓句  
預先畱作我詩題

潘茂洪借屋地主催起僕以山園暫假寓泊書雨

詩送之

竹栽方訝不成陰寸地城中果寸金莫使無家輕發歎  
北山園裏翠煙深

種藝吾方屋數間圖書雞犬稱君閒徑攜桃葉航湖去  
別有新居卻載還

行次德清

南湖集卷之

三知不足齋叢書

波鳴船板喚晨興倦睫揩摩得夢醒到縣陰晴休更問  
野禽聲已喜人聽

浮圖立處覺天低迎我舟行十里時不是前山明復暗  
那知頭上白雲移

漸涼山水倍清華不說漁樵亦自嘉好是趁人全省力  
龜溪纔過又荷花

攜楊祕監詩一編登舟因成二絕

今日何曾獨自來船中相伴有誠齋須知不局詩編裏  
妙用方能處處皆

造化精神無盡期  
跳騰踔厲即時追  
目前言句知多少  
罕有先生活法詩

相士陳邦彥覓詩

眼力知君已絕倫  
奉傳一法便通神  
看渠天爵高人爵  
方是人閒富貴人

行次下渚湖二首

綿延蒼岫補林空  
菱荇通船萬鏡中  
黃白花明如繡出  
蜻蜒猶愛蓼成叢

野童綠草牧鵝羣  
詩料今朝得幾分  
俯仰縱橫皆合律

南湖集卷七

未知不足齋叢書

雲如層樹樹如雲

雜興三首

迢遙秦隴舊家山  
百萬貔貅擁節還  
讀盡一編詩自許

西風吹夢玉門關

小圃秋光不世情  
蠹枝枯枿忽重青  
凌晨自灑銀牀水

居士新看種樹經

細讀南山扣角歌  
機鋒投處幾會多  
道人不踏門前路  
敝帚其如自愛何

園步雜興五首

懽意千尋孰與齊恰如穉子候門時八旬半載爭多少  
匹似淵明已較遲

豆籬黃葉被蔬田靜極情懷似黯然居舍又從東壁看  
柳梢濃處起廚煙

無風寒色自淒迷晚日低籠一徑微竹裏鳩藏初未見  
小車行過忽橫飛

池心誰放葉舟橫蓮蘼還如入夏生病起一天雲意好  
淺陂閒讓鹿先行

園中荒穢漸平治老子何妨鬢有絲從此五行無晦氣  
南湖集卷七

一閒成就萬篇詩

立秋後一日池上雜興四首

漁舟閒上揭疎篷倚徧蒼華岸紅兩日新秋涼便覺  
費人詩句是西風

船舷何事若輕雷盪葉衝蓮一道開莫待歸時方命酒  
徑從花上遞金杯

小娃猶記喜歸時故唱前年自賦詞但得池邊鷗鷺  
更須門外野人知

沐輪濫濫湧東牆魚觸波紋破碎光十萬人家眠正



誰知涼滿一胡牀

道傍叢祠榜云老人廟

里俗崇祠想報功袍韉包裹雪髯翁休嗟事始無人識  
縱有豐碑亦是空

南湖集卷第七

南湖集卷七

十一月十八日壬辰寫訖計五千  
五百六十八字仁和陳性安記

三酉知不足齋藏版書

南湖集卷第八

秦川 張 鎡 功甫

七言絕句

次韻京口叔祖見寄四首

欲訴中心話許長尺書恨不寄于張新篇喜逐東風好  
變盡人間草木荒

山堂初轉稱婆娑曲徑移栽雜樹多應是我翁歸舍後  
便登繁要亦來過

病起逢春自獻酬醉狂詩體類俳優追攀雄傑誠堪笑

南湖集卷八

一知不足齋叢書

寄去稽遲更合羞

汲古初無不讀書屠蘇新製帖僧廬癡禪晝夜蒲團上

貧睡猶勝學宰予

次韻酬王之孟見贈

相逢未問有詩新識得全然少得人莫怪世閒多不愛  
翰林憔悴少陵貧

次韻姜邦傑見訪畱贈三詩

飽看朝霞與暮雲一丘一壑大無塵關門果是倦迎客  
倒屣還因有句人

繞林游徧更浴波薄暑車行不下帷最喜竹君相伴久  
見渠生子子生兒

何曾一事擾中肩醉便投牀夢亦清書卷猶嫌舊時習  
未能熟處放教生

次韻呂浩然四首

小築茅堂亦有廳規摹林野自然清仙風道骨真人後

過我因除喝道聲

李義山謂松不  
喝道爲殺風景

作詩誰道有梯階當下由人宥放開字字不爲聲病瘵

知君得處自天來

南湖集卷八

二知不足齋叢書

秋水清來不釣魚有時遮眼強尋書過從閒客猶全少

況是朝官更合疎

天然風景異人爲門外南湖不姓西指日芙蓉盛行發

狗須出郭看蘇堤

過野翁亭因登崖峯山憩崇壽院僧軒共成四絕

句

古縣依山愜乍游欲行因路始窮幽攬空石壁樛林合

便做行程急也雷

溪流逢旱息潺淙野釣橫趨亂石中莫恨鐵冠人已去

我來權合號山翁

甲子峯高正屬連白雲騰涌似爐煙羣仙若訝歸來晚  
只躡雲根上碧天

巖隈蕭寺得躋攀數翠邀嵐不復難已向城中專一壑  
更須隨處款青山

舟過良渚

船出脩門未有詩直須鳳口汎晴溪緣何解景方吟得  
拙句頻年不立題

南湖有鷗成羣里閭閒云數十年未嘗見也實塵

南湖集卷八

三知不足齋叢書

中奇事因築亭洲上榜曰鷗渚仍放言六絕

居士園門甚處開傍城猶未著樓臺門前湖水三千尺  
引得沙鷗亦肯來

旋開斜港放船出更著小亭臨水看軟紅塵裏江山景  
便著丹青畫亦難

東家西家翁媪說白洋湖自有多年何曾識見江鷗至  
消得主人詩興顯

朝陽鳴鳳國之祥瑞事吾家鷗鷺行最愛幾聲煙外響  
和他漁艇獨敲榔

十五年前過揚子爾輩出沒波濤中爭知今日得其佳  
急喚酒來澆晚風

不因他處食無魚來慰先生索寞居走筆贈詩君莫笑  
從游此事最相於

出城二首

只道南湖沒樣奇出關又有許多時便須鈔取天然句  
纔下工夫走卻伊

扁舟初上一聲雷兩岸濃雲亂欲堆堪笑此時晴太早  
篷遮未定雨先來

南湖集卷八

四知不足齋叢書

以桂隱櫻桃從益之博紅酒詩

聞道君家琥珀霞杭州那更說梨花櫻桃顆顆堪持比  
換取一尊來冰涯

新市道中

野晴天碧共溪長畫樣飛來白鳥雙  
舟小不驚風罨岸  
菰蒲無數入篷窗

夜聞漁歌

非竹非絲響裂空高歌三唱出漁篷  
清豁激越猶如許  
想見湘波欸乃中

訪安福寺上人

苔徑入舊栽竹樹裏橋橫新鑿池丈室穩居清絕地  
豈容支遁不能詩

西莊夜歸

草聲真似過田閒唧唧蟲催興未闌珍重小輿能從我  
夜深穿徧竹陰寒

題本覺寺

繞架蒲萄葉尙稀瓦爐閒炷柏煙微年年綠暗軒窗意  
卻恨春風不早歸

南湖集卷八

五知不足齋叢書

一徑橫穿蘚翠封滿空聲動玉琤淙林居豈是無脩竹  
未有清陰似此濃

題圓覺寺跳珠軒

籀龍來向石根蟠幻出摩尼躍翠盤今日山中晴亦雨  
可無風過發清寒

清明日書亦菴壁二首

春情緣雨復緣晴晴卽閒行雨卽吟花好滿園看未徧  
出牆鄰樹又關心

光陰高柳欲飄綿拂著薔薇錦壁連莫道行人總無識

定因羅爵愛門前

題南山劉家寺松雲軒

紅籬牆頭蜂過葉翠藤池面蟻行枝  
斲來數刻有餘興  
若住此軒何限詩

尋桂南山至崇壽院因往靈石三首

折枝登几已孤妍  
況值風林水石邊  
學碣路斜飛蓋歇  
丁寧茅店略停煙

迎客山僧未下廊  
好風吹鼻使生狂  
莫疑佛宇清芬烈  
蒼蘂曼殊共借香

南湖集卷八

六知不足齋叢書

山頭藤斷空垂子  
亭下泉荒不滿池  
老衲坐來知敬客  
南音猶記鬼仙詩

閒步游紫極觀

孤榜前春冰雪清  
山祠閒步意無營  
曾耽幽槩穿廊曲  
猶記筠冠問客生

鐵行者

阜林普濟院老僧每初睡時以叉頭釘夾紙燭寘案上名鐵行者

僧舍生涯只且然  
養他行者不須錢  
龍潭莫問僧參得  
吹滅燈時各自眠

彭祖嶺道中

白鷺橫來正作羣忽從區稻綠閒分問渠曾過城中否  
應識南湖水際雲

會幼度許過訪兩詩問訊

寒窗不住閑清文煉石真爲五色雲拄杖橫擔東魯教  
長安今次欲誰聞

詩不能工張約齋有人曾說訪渠來病餘百拙慵開口  
願聽晴空起怒雷

暑行

誰敲白石生熱煙舉頭見嶺思回鞭脩竹林閒有寒蟄

南湖集卷八

七知不足齋叢書

莫打渴烏教近前

水邊

翠藤縈樹夕花明無數圓荷貼亂萍酒力半銷來照影  
晚風輕澹鶴梳翎

晚眺

小閣梯檐竹作籬晴陰登眺百般宜懸知皓月升雲海  
不賦如鉤似鏡詩

觀水上斜照

吹落天河入水中分明金度晚來風若非日腳流成汁



平楚青遠染得紅

題山長菴

相國歸來未肯閒自將日月煉成丹思量漫把黃金鑄  
一段精神畫亦難

臞菴書事四首

畦丁相引繞園行指說亭基不記名因想後湖題柱處  
樹林曾見作詩成

老藤橫路幾星霜骨相清堅壽自長敢憚側巾方可過  
折枝爲子也何妨

南湖集卷八

八知不足齋叢書

曲澗斜穿竹最奇豈容長夏有炎曦林深縱怯湖風猛  
更爲支筇立少時

人生富貴盡浮雲何必須因不義分若有一丘能作主  
更慚寇鄧立功勳

送客至無相蘭若歸過慈雲嶺小憩崇壽寺書所

見十首

故殿簷陰石滙泉針魚苔淨樂回旋持杯挹取雖無暇  
照影心腸更灑然

野香別是一般風幕直平岡好翠松更許虛空畫山水

細鋪霞浪襯雲峯

山腰路轉涌蒼蛇山下脩筠媚白沙正要澄江舒倦眼  
莫教綠岸有人家

嶺度慈雲境界涼前看湖面後看江詩魔半晌難調伏  
除是休來卻易降

南山好處劉家寺門裏松篁一徑衝自有禽聲喜迎容  
不須知事更鳴鐘

老僧分袂俟三年猶記芳池躍翠泉新疊兩山都未識  
北堂引看更東偏

南湖集卷八

九知不足齋叢書

支徑坡陀竹最多籜龍纔起更成窠穿嵐觸翠坳塘出  
一片香來得嫩荷

井分泉脈透巉巖誰道飛流是假山水鳥樹林皆作供  
可憐居士只偷閒

亭橋兩面看芙蓉靜數波閒小隊魚碧幃鸞環遮去路  
淨天終待此同居

欲歸停馭重徘徊破費林閒雪一杯畱取半山看未了  
大雲時節約重來

過楓橋寺

妙絕吾宗有舊題  
趁晴徑過敢畱詩  
只消記取今朝景  
不是烏啼月落時

聽琵琶

四弦么鳳雜雛鶯  
不作商船塞路聲  
花影透簾清晝夜  
細將攏撚說多情

紹興閒國工胡律  
琵琶擅稱一時其  
徒豪興得胡

心傳之妙今年七十二  
清健伎益精從容話故  
都事使人感歎因書小詩與之

半生繁會想梨園  
醒耳秋風鳳語弦  
我亦秦關歸未暇

南湖集卷八

十知不足齋叢書

休論舊事汴河邊

許道士房

涼蟬亂叫朝暮雨  
獨鶴不迷前後山  
芭葉煮湯勝茗椀  
栗花然火稱松關

得家書

北堂萱獨雁行疎  
旅夢通宵只做廬  
未暇拆封忙喚僕  
先將安否問何如

玉塞金河阻去程  
醉中嘗夢賦西征  
天時不與人心合  
獨守寒窗數雁聲

風沙來往稻梁謀江北江南一歲遭非爲紅樓斷消息  
待梅暗候自清愁

雨中聞雁

小雨終朝溼翠霏渚蒲汀樹白瀾瀾若嫌鳴雁無厭足  
回到潮州又索詩

看雁

曉晴羣雁欲何之正是青天似紙時橫斜數行有聲字  
服殺虛空解作詩

張以道歸自甬東先餉土物兩詩爲謝

南湖集卷八

十三知不足齋叢書

梨柿魚鹽來海上殷勤持送與閒官緣何似得千金贖  
明日重親語笑歡

紅滿芙蓉菊滿黃連朝衰病負秋光乘除自此無煩惱  
醉賞家園一萬場

夜坐因觀楊伯虎和春字韻詩偶成五絕再寄

桃盡燈花夜未眠清寒渾忘是春天霜侵綠鬢張居士  
空坐書幃三十年

案上因翻簡鐵堆親朋何日和詩回高懷剩得清閒力  
滿紙溪山秀色開

往事追思重慘傷相從常醉德勳堂每登吧帖數鴻雁  
老淚風前必數行

往高宗御書德勳一字爲先君寢堂名

宦情儂自本來無君亦琳宮暫逸居西華武夷俱絕勝  
可教詩卷此時疎

蒼霄從來著志和子雲寧久占煙波速歸逕上清班好  
時過南湖伴浩歌

春日

銀葉煎香細雨聲竹陰行處藥花明麥光小楷臨唐帖  
更有人閒第一清

南湖集卷八

寒食前一日西湖閒泛三首

士知不足齋叢書

豔紅香白徧游人花柳酣歌識太平野客獨諳閒意趣  
草煙空愛一川明

驟暖懸知雨信濃半陰臺榭碧烘濛何心更敢攜壺去  
孤槩微吟尙未工

衰鬢爭如竹際苔秋干猶記玉驄回短籬數尺花成簇  
一日春悰不往來

春雲

松邊寒彩過前山松下鋪瓊坐不還澤物爲霖休自苦

且來相伴約齋間

四月上澣日同寮約游西湖十絕

自得城隅水北居西湖幽討句全疎今朝掩簿抽身出  
更向誰邊不一書

清曉溟濛雨氣濃出關晴色便葱蘢層雲特爲詩人喜  
添起山頭四五峯

賣龜船小漾漪漣折得蘋花亦當錢我自滄洲隔三載  
此花風調只依然

飯餘飛蓋北山來上苑虛堂柳際開繫馬林閒寧復散

南湖集卷八

三知不足齋叢書

卻容拄杖卓青苔

賜沐山行策最長游人此日卻相妨洞天只得東邊賞  
開過燈花斷殺腸

夾堤全少露桃紅獨許垂楊翠拂空千古蘇仙幾曾死  
騎鯨時或下亭中

菱葑茸茸展翠瓊六橋分舞燕翎織擗船捷出蒼灣去  
要看山圍玉鏡奩

喜逐蕩蕤禁苑東舜弦調處剌薰風戎葵學得宮衣纈  
不作人間錦樣紅

察柔招邀勝引多曠懷真語當絃歌聯翩逸駕知難及  
乞我扁舟著釣蓑

豐樂樓前未夕暉可堪魚鱸限城扉詩成快向歸時寫  
丹墨明朝與興違

鷗渚亭次韻茂洪西湖三詩

出城猶記四年前朝看西湖到暮煙自有南湖相暖熱

可曾頻過六橋邊

謂蘇堤

老子看山今益工只憐雲氣不憐峯擡頭半餉無人說

自向波心汎短篷

南湖集卷八

十四知不足齋叢書

塵土奔忙舉世人無過白白鬢毛新一般要撰眼前樂  
泉石由來樂校真

三月望日微雨汎舟西湖四首

清明纔過雨連風著色湖山便面中草上踏青人自出  
艤船無地不飛紅

非是天慳一日晴晦明多態屬詩人雲翻畫樣洪濛墨

波捲紋頭起突銀

倭纈簾垂柳外樓靚妝微露玉搔頭承平氣象應如此

憶殺金明水殿游

堤樹枝條老更成豈容他處夏陰清東風不惜吹芳草  
綠滿鶯兒燕子情

南湖午坐雨作歸山堂共成四絕句

簾外青山隱樹林霎時來看便沈吟騎聲蓋色都除盡  
唯恨詩情染最深

或擬香山或擬陶有時無句只蟲號作詩藁直猶之可  
字寫不成方是高

西山俄起一聲雷不覺如拳雨點來滴徧池中萬荷葉  
又催蒼蘆海榴開

南湖集卷八

右知不足齋叢書

平時吾亦愛吾廬今雨巢禽亦引雛好是堦前四高檜  
枝枝葉葉綴明珠

送櫻桃與范尙書二首

誰將絳蠟千枝淚踏作驪龍百斛珠酪盃冰盤非我稱  
敢煩西子薦陶朱

滿架餘醱雪未乾滴堦紅顆照春殘知公有意參金鼎  
馳送朝霞九轉丹

藤枕詩

爲愛江湖細雨聲短篷欲聽買隨行那堪老去便輕輕



宵美珊瑚與夜明

詠清苦

清苦任渠詩作祟黑甜安爾睡爲魔七言賦就賞音少  
一枕覺來佳興多

寫扇

世閒功業任差殊心地明時自有餘若道必從勤學得  
當年稷卨讀何書

南湖書事五首

初來作舍少人行橋外如今滿市聲纜岸種成桃閒柳

南湖集卷八

去年不足齋跋書

一家和氣萬家春

過半人家起竈煙被風輕引向晴川須臾卻與雲陰雜  
不礙玻璃鏡自圓

科樹梯斜倚暮暉犬聲如蛤透疎籬謝天排出江村景  
副我憑欄一望時

水鳥鴻儔已可聽淅然分練蹙波聲成羣爭似沙鷗少

別有高閒物外清

恍看灩灩紫金幢日脚橫瀾萬褶光吹到檻邊爭蕩激

直疑身似水仙王

夏日南湖汎舟因過瓊華園六首

淡日輕陰暝麥天  
水邊閒喚木蘭船  
不游東港西陂熟  
爭得人知是散仙

草生荒徑沒靴深  
寂寂危亭薜暈侵  
翠輦不來知幾夏  
野禽啼暝古松林

兩岸人家水映門  
誰知城裏有深村  
照畦罌粟紅燈密  
繞舍戎葵紫纈繁

頭上雲忙雨欲來  
箬篷轉碧盧隈中  
流數點沾衣溼  
便放西山夕照開

南湖集卷八

七知不足齋叢書

詩思渾如舊歎苦  
宦名那似木芙蓉  
朝來但聽霏微雨  
自種叢櫺怪石倚

滑泥寧復問懷沙  
且醉杯中琥珀霞  
觸事背時還獨笑  
安排明日取蝦蟇

卽事

池通幽澗碧如油  
試水新鷺小拍浮  
行過板橋花片落  
被風邀上採菱舟

旋買花栽得野香  
浴蘭天氣日偏長  
槐龍或躍無人見  
淨掃風塵置竹牀

竹院橋廊未放晴一涼生處綠交橫隔林休厭荷池小  
風葉時傳漉雨聲

書葉軒

當處心安卽洞天黃連一炷勝龍涎閒房幸自無人到  
誰放白雲來枕前

正是桐陰雨乍晴隔籠黃鳥女兒聲筆牀經竒閒家具  
物物皆從我太平

圍繡亭

盤屈迴廊面面同頂門開竅更神通非關意匠玲瓏巧

南湖集卷八

六知不足齋叢書

示現圓融轉物功

晨步西澗

日炙芹泥積漸融一灣新漲小橋通不因野鴨飛來喜  
忘卻生涯書卷中

聽鶯亭

牆頭正對南湖柳湖柳迎風翠掃空最喜音聲爲佛事  
亂蟬磨唱夕陽中

晚步松下

人皆束縛卯申時我獨園居不必歸最是蒼寒堂下好

亂松梢上看雲飛

靈芝寺避暑因攜茶具汎湖共成十絕

城裏今年熱異常出城蕭寺未全涼  
髮毛吹盡人間暑除是芙蓉十里香

佳處湖山昔縱游繁華常恨過清幽  
今朝莫入名園去只向風蘋蕩小舟

松竹孤山處上居高風落落有誰如  
南湖放鶴能迎客景行先賢或未疎

西陵橋下最陰多花外山明涌黛螺  
開徧酒樓人未上

南湖集卷八

九知不足齋叢書

幾聲煙斷採菱歌

臨津臺殿似蓬萊柳色荒涼鎖翠苔  
萍港不知人事改通船如望帝堯來

白髮催愁酒量慳軟塵盈袂飲尤難  
小童正對茶鐺立堪伴先生入畫看

一色琉璃碧簾橫更無觴豆引飛蠅  
從集日氣如湯烈不礙盆中數尺冰

撐傍羨魚宋媪家綠荷裏飯薦匏瓜  
元真受用非隨俗尙欠風前雨笠斜

高峯南北兩浮圖，桂隱相看四載餘。  
休怪出關猶從我，有詩處處是儂居。

別浦歸時捲釣緝，蕉裳蘭佩淨無塵。  
水濱秋晚重來賞，只約春鋤不要人。

園中雜書四首

因病經旬不賦詩，無詩病思轉難支。  
今朝詩句才成了，已覺全無病可醫。

大田非但仰梅霖，百畝園中受賜深。  
著子榴梢珠迸火，放花梔樹玉抽金。

南湖集卷八

王知不足齋叢書

木芙蓉遶岸傍，栽水芙蓉滿池內。  
開池內忽生莠丈葉，引花穿岸入叢來。

黃昏樓上據胡牀，青靄濛籠總是香。  
未說居閒南面樂，且乘北面十分涼。

園中雜書四首

春雲天上白成行，春草人間綠自香。  
菴岸桃花三百樹，碧溪休問短和長。

爲要看花旋築臺，海棠猶未一分開。  
從今莫道晴時節，不是晴時也合來。

芍藥抽紅葉未齊  
畦丁籠鶴避花時  
始知有喙長三尺  
輸與藏頭曳尾龜

初生科斗聚如拳  
鼓吹駸駸聒夜眠  
料得魚蠻住妄想  
麴車那解口流涎

園中口占二首

荇帶荷錢漸滿池  
吹香隔岸盡茶麿  
潛魚忽擲金梭起  
補足今朝未了詩

石楠花似碎瓊花  
只就香中便點茶  
欲識此堂奇絕處  
山林朝暮不離家

池上

南湖集卷八

三知不足齋叢書

綠卷晴荷插滿池  
珍禽來慣帖船飛  
看雲只似尋常立  
何獨今朝忘卻歸

波紋迴處恰雙魚  
小草花紅點綠蒲  
不是幽人相管領  
枉教造化著工夫

海榴如火發高藪  
空闕炎炎烈日紅  
爭似梔花渾是雪  
淨香薰透一池風

暝天雲重碧成陰  
畱得山頭一桁晴  
荷柄枯斜開鏡面  
照人欹坐聽魚鳴

池邊二絕

屢欲池邊看曉煙  
曉煙多是獨貪眠  
紅葉似怪人來晚  
不甯回頭卻粲然

淺側荷盤葉尙新  
一蛙危坐壓荷唇  
定知不發窮愁歎  
背縷丹金踏水銀

池上次潘茂洪韻

水禽花底靜藏頭  
識我青蘋欲暮愁  
三十六陂焉用許  
一航衝岸柳絲柔

題蒼雲亭

南湖集卷八

至知不足齋叢書

老檜分行直瓦亭  
激泉巖罅骨毛醒  
從來廬阜太行眼  
對此須教一樣青

初聞南湖蛙聲成三詩

杏花楊柳傍清明  
淡沲風光畫不成  
春到此時須急賞  
繞堤今夜有蛙聲

競喜蒿蓬月到時  
莫嫌喧噪沒新奇  
憑誰試問波神看  
定誦南湖近日詩

皇恩汪濊及蟲魚  
爾得安心大澤居  
科斗未生休縱樂

吳儂傾聽且防渠  
禁捕數年時  
亦有私釣者

綠筠軒舊在於潛叔照寺今移立縣治之東竹閒  
鑿小池植蓮爲賦兩絕

按圖得此已欣然勝趣何嘗有變遷一把香茅千箇玉  
不妨邂逅揖蘇仙

氣韻非關竹有無莫嫌清陰雜芙蓉官居不俗從何得  
窗下風翻未盡書

分題得古木

穴處曾經起怒雷斷藤枯蘚半離披根莖託土何妨遠  
會見春風長活枝

南湖集卷八

三知不足齋叢書

雲露堂

種玉栽瓊樹樹勻主人心地況長春便教不假雲閒路  
亦有芳菲日日新

南湖上觀萍

風掠浮萍水面來翠綃成段接還開無情卻似多情物  
不到詩中不肖回

題荷花畫屏

芙蓉世界水爲宮宴處鏗轟沸鼓鐘後乘舞妃香十里  
月寒誰見曉騎龍



連朝

連朝溪雨溢荷塘流水傾銀萬葉香不是風吹亂花側  
那知處處著鴛鴦

次韻酬王夢得西湖上見寄

一萼香紅未破塵綠波驚眼自搖春新晴策蹇湖邊去  
供作他年畫裏人

甲辰仲冬八日元衡攜兩詩過訪及歸次韻酬送  
後篇兼寄張武子

每將幽事當功名唯欠能詩竹裏僧徑寫此篇爲疏引

南湖集卷八

吾知不足齋叢書

菴成來往豈無憑

合處疇能證不疑吾宗神秀歲寒姿無書寄便今猶懶  
說似應須倩老師

張似之送栗子木瓜

帶日零風色未乾肯隨槃俎鬪爛斑客爐爆處從甑破  
女手披時忌蜜饍

題崔懋畫白鷺伺龜

能言元緒已失計潛來公子尤多機藏頭殼裏勿自暴  
曳尾泥中胡不歸

持上人別久矣一日來訪舉似近作且言遷寓新  
房因次韻贈之

幽雲情性阿師同懶復隨春泥白紅指日茶香申舊好  
蔓陰窗戶葡萄風

曉邊

曉邊花面雨濛鬆鶯避金丸翠竹叢春半風光自擡舉  
按歌姑洗旋移宮

水蕉

龍葱舊愛谿邊樹路轉清風盡日陰窗下不生分別相

南湖集卷八

孟知不足齋叢書

石盆秋水養蕉林

次韻酬張郎中賦水蕉四首

春去論年卒未回溪頭傳信卻先來綠牋展盡全無字  
此語何堪諭俗埃

火雲空際正巉岼漫瞰平湖百畝寬葉葉是風根是雪

因爾忽生寒

尋常要往回今朝卻怕此詩來只緣快讀情涼語  
返覺林居有世埃

往年植處倚蒼岼曾蔽秋苔兩席寬別後不因貪水宿

兒孫那得許蕭寒

騎鯨橋

門就作橋朱欄相望壓鯨腰風搖慢摺游榕綠  
妨著霽霄

鷗渚偶成二首

晝陰無意到湖亭引客悠然試一行使有同盟數公在  
冒煙揮袂喜相迎

去去西南綠篠灣折旋遵渚又飛還輕拳擊水織鱗起  
滴瀝波明一帶閒

南湖集卷八

去知不足齋叢書

從張子立覓驢二絕

寒驢休愛鴿毛青指日驪驪輦路行聽水聽松方屬我  
霸橋風雪可寒盟

幾回曾許借儂騎興到牽來已早遲乞與南湖了幽事  
白裘烏帽要相宜

燕坐

襄面水明紅齒菖草頭風戰黑蜻蜓平生最愛游俠傳  
燕坐且讀離騷經

爲君刻意五七字甫壯知心一兩人百計縱疎終辦此

直疑解孟是前身

夜賦

月黑林間亦自奇  
蓮花兩朵白如衣  
初疑野鷺池中立  
試拍欄干嚇不飛

題畫扇

誰將琢月揮雲筆  
偃仰江山尺素中  
眼界未舒君莫厭  
出門三丈軟塵紅

春日汎舟南湖因徧遊近港坐閒書客所携四扇  
遠近高低錦樹明  
直疑春教蝶多情  
人間萬事思量盡

南湖集卷八

二十七

知不足齋叢書

只好園居過此生

絲簧同上木蘭船  
細草薰薰柳色天  
要是有詩方稱此  
不然枉作地行仙

先須放櫂繞湖游  
倒看行雲水底浮  
客去莫歸朝市說  
引渠無意作公侯

賞玩歸來日未斜  
門前春水綠楊遮  
園亭西畔晴尤好  
一色牆頭見杏花

題扇

梧竹風來玉枕涼  
月高偏愛占華堂  
休言境界親曾有

畫出如聞夜氣香

次韻徐衡仲餉淮白魚

慢浪功名付直鉤誰能鏖戰學焚舟隨人不但羨魚美  
解道江蟠似鹿頭

戲倣韓致光體

意嬾風前側帽簷落梅紅在麥脩纖歸家說盡單行處  
可柰溫香翡翠奩

橋亭觀月

全似蒼苔涌月輪暗林橫貫一溪明家中幻出山中景

南湖集卷八

二十八

知不足齋叢書

圯上追涼恰二更

南湖集卷第八終

